

حقیقت، ادیب، ادب تہ قاری

خلاصہ

ج: ادیبس تہ تہندس تخلیقی فن پارس چھہ پانہ وانی سبٹھاہ سو ن تہ گون رشتہ آسان۔ ادیب چھہ اکھ سبٹھے غار معمولی انسان آسان تہ تہند تخلیق کو رمت ادب چھہ خالص تہند ذاتی تجربک تہ منفرد و وید و پد پیمو بے مثال زانی ہند اظہار آسان۔ سہ چھہ عام لوکن ہند کھوتہ سبٹھاہ ذپرک، حصاس تہ غار معمولی بصیرت و دل شخص آسان یس کیشن خاص لحن دوران تم چیز و چھان چھہ یمن تام نہ عام لوکن ہنز زائہہ نظرے پلان چھہ۔ سہ چھہ تم واقعات انتہائی شدتہ سان محسوس کران یمن نہ عام لوکھ پانہ پرنہ پاٹھگر ثینانی چھہ۔ پُن تجربہ تہ آگہی چھہ تس تہو ولہ سنس آنان زسہ چھہ تمج باوتھ کرنہ موکھ بے قرار سپدان تہ چھہ پُن سو بدلے تین ون، لفظن ہند لباس لاگناوتھ پننن بوزن تہ پرن والبن تام و اتناونچ پُن غار معمولی صلأ حیت تہ کڈان، چناچہ لفظن ہند جامہ پاٹھگر سیر باوتھ چھہ تخلیقی ادب نا پوان۔

ادبک بنیادی وسیلہ چھہ زبان تہ قاری یس گڑھہ ادیب ہندی پاٹھگر زبانی ہند بن مختلف معنوی امکانات تام مکمل رسائی آسز۔ یہ کیشنھا تخلیق کار تخلیق کران چھہ، تھہ چھہ تہندس ذاتس تہ سماجس ستر اکھ اثر صبن واٹھہ آسان۔ چونکہ قاری چھہ امی سماجک اکھ فرد آسان تہ سہ چھہ اتھ ادب پارس پنے مقدو رمطابق انڈو منڈی گڑھنج کوشش کران۔ ییمہ ستر ادب پارک حسن تھنہ چھہ پوان تہ تمیک مول ننان چھہ۔ پرن والبن ہندی تاہر ہسکن وقتہ وقتہ مختلف انہار پرأوتھ۔ یہ کتھ تہ چھہ پُرز گنہ دورس منز بنہ ادب پارک اکھ روخ قارئین نش زیاد توجہ طلب تہ بیس دورس منز پھیر بدل گنہ روخس گن تہند زیاد ظون۔ ادیب ییلہ پنن ادب پار بازرتراوان چھہ سہ چھہ پانی پانے تمہ کو یہ ڈپز تہ ماکانہ حقوق نشہ دسبردار سپدان۔ تہندس ادب پارس کیاہ چھہ معنہ، سہ کیاہ چھہ باوان تہ تھہ کم تاہر ہسکن سپد تھہ، ادیبس چھہ تہ مقرر کرنگ کانہہ تیتھ خصوصی حق حاصل روزان ییمہ سببہ بس تہندے یوت معنہ معتبر مانہہ ییمہ۔ بازرتراوتھ چھہ ادیب تہ پانہ ادب پارک تیتھ اکھ قاری بنان ییتھ تس ورأے پیہ کانہہ نفر بنتھ ہسکہ۔ شعرچ لسانی صورت نظر تل تھاوتھ ہسکہ پرتھہ کانہہ قاری پننس و انتیارس دفاع کرتھ۔ لہذا حتمی فاصلو نہ چھہ پانہ ادیب روزان تہ نہ تس سندا کانہہ خاص پرن وول۔ بلکہ چھہ حتمی فاصلو بجایہ خود ادب پار بنان۔

رزمیہ شاعری ہنز خصوصیت کا شری رزم نامہ

خلاصہ:

ج: رزمیہ شاعری گئیہ سو شاعری ہتھ منز گنہ قوم کہ کائسہ فرد ہندی یا واریا ہن فردن ہنز مردانگی، بہادری، پہلوانی، فخرتہ بزرگی ہندی واقعات، پیہ جنگی فتوحات تفصیلہ تہ شاندار پاتھ مہارت سان نظمیں مثنوی بیان کرنہ ہن۔ جنگ نامہ یا رزمیہ چھ انگریزی Epic پٹھہ آمت یس یونانی لفظ Epos مثنوی دڑا مت چھ۔ امہ لفظک معنی چھ لفظ یا ڈیل۔ اصطلاحی طور چھ Epic تخلیقی ادبہ چن تمن سارنہ صنفن ہند ناویمن منز گنہ قومہ کین قومی ہیر و ہن ہندی ہن کارنامن ہنز مدح سرائی مبالغہ آمیز انداز کرنہ آسہ آسہ۔ رزمیہ شاعری چھہ بزمیہ شاعری نشہ تیمہ اعتبار الگ تکیا بزمیہ شاعری ہند غالب موضوع چھ لول، محبت، عشق، حسن، جدائی بہتر آسان۔ بیلہ زن رزمیہ شاعری مثنوی بہادری، جنگ و جدل تہ قتل و غارتگ ماحول لبہ یوان چھ۔ امہ علاو چھ رزمیہ شاعری منز گنہ قومی بہادری سبھہ مبالغہ آمیزی سان پیش کرنہ یوان۔ یمن ہندی ہیر و چھ واریاہ طاقت و آسان۔ بزمیہ مثنوی یمن مثنوی ہیر و ہیر آنی حاصل کرنہ کوششہ مثنوی باضے کامیاب تہ گڑھان تہ باضے ہیر و یونان چھ یا یم دوشوے از جان تہ گڑھان۔ رزمیہ شاعری ہنز مثالہ چھہ نومن کاشتر ہن مثنوی یمن منز لبہ یوان۔ مثالہ شاہ نامہ، سام نامہ، جنگ خیبر، جنگ احد، فرنگین ستی کولین ہند جنگ بہتر۔ بیلہ زن بزمیہ شاعری ہنز مثالہ شیخ صنعان، یوسف زلیخا، گلرین، شرین خسرو تہ ہیمال ناگراے ہشہ مثنوی مثنوی گڑھان چھہ۔

کاشتر زبانی مثنوی چھہ از تمام اگزر ری منظوم رزم نامہ لکھنہ آمت۔ یمن ہندی موضوع مختلف چھہ۔ یمن مثنوی چھہ تو آریخی تہ نیم تو آریخی مصنوعی، داستانی رزم نامہ بہتر شامل۔ مذہبی تہ نیم تو آریخی بلکہ تو آریخی موضوع چھہ اکثر باہم رلہ پکان۔ یمن مثنوی چھہ جنگ خاور، جنگ تال، جنگ زیتون، جنگ نامہ محمد حنف، جنگ مختار، شاہ نامہ فردوسی، یم تہ تھہ ہو رزم نامہ چھہ اکثر فارسی یا پنجابی زبانی پٹھہ ترجمہ سپدی آمت۔ یمن ہندی اکثر کردار چھہ تو آریخی۔ منظوم تو آریخی تہ مذہبی رزم نامن مثنوی چھہ مغازی النبی، جنگ بدر، جنگ خندق، جنگ نامہ خالد بن ولید شامل۔ یم چھہ واریا ہس حدس تام مستند مذہبی تہ تو آریخی رزم نامہ۔ جنگ نامہ امیر حمزہ چھہ ۹۹ فی صدی رزم نامہ۔ کاشتر راماین تہ مہابھارت تہ چھہ آتھہ رُمرس مثنوی شامل بیلہ زن کاشتر ہندی تناظرس مثنوی سام ہسو، یم چھہ قومی تہ ملکی رزم نامن مثنوی شامل۔

یم ساری رزم نامہ چھہ ترجمہ، یمن ہند مواد، موضوع، قصہ، کردار، اوند پوک تہ کلہم تہ تراو چھہ غارملکی۔ ہتھ کاشتر تہ کاشتر ہندی براہ راست کانہہ تہ واٹھ چھہ۔ یہ چھہ دویم سوال ز یمن ستی چھہ کاشتر ہن پتہ پتہ مذہبی تولق گو مت۔ اوے

کئی آے ایم وجودس۔ پوزیمین ہیکونہ اسی خالص ادبی اصطلاحی زبانی منز قومی رزم نامہ و نٹھ۔ وونی گوویہ تہ چھئے اکھ ٹاکار
 حقیقت ز منظوم قومی تہ وطنی رزم نامہ ہر گاہ سارے ہندوستانس منز کنہ قومس منز تحریر سپد مت چھ سہ چھ کاشر قوم، پوزیم
 رزم نامہ چھ سنسکرت زبانی منز کلہن سہن راج ترنگنی۔ کلہن چھ گوڈنیگ کاشر شاعر کی پینہ وطنک، قومک، تہنہ پ و تمدنک
 اکھ رزم نامہ لیو کھ۔ راج ترنگنی منز چھ کاشر بہادرن، فدا کارن تہ مدبرن ہندو کار نامہ درج۔ امہ پتہ آہ ز آنہ راز
 ترنگنی، باغ سلیمان تہ شاہنامہ بیتر کشیر منز لکھنہ دیش اویدیش تہ 'رما' مہا کاو آسہ اٹھمہ تہ نومہ صدی عیسوی منز
 کھیمندر ن پچھی مڑ۔

اگرچہ کاشر رزمیہ کس اتھ فہرستس منز تم بے شمار جنگ نامہ تہ شامیل ہیکن سپد تھ یمن منز جنگ ایران، جنگ
 کر بلا، جنگ زیتون، جنگ قندور، جنگ دینور، جنگ خیبر بیتر قابل ذکر چھ۔ مگر درحقیقت چھ سانہ کلہم رزمیہ شاعری
 صرف تریو شاہ پاروشان تہ عظمت عطا کر مڑ۔ تم گپہ ویاب پرے یں شاہنامہ، لکھمن جو بلبل تہ امیر شاہ کرپری سندا سام
 نامہ۔ سانہ رزمیہ شاعری ہندس ربواتیس بجر دس منز تہ چھ صرف یوے تریو شاعر و ساروے کھوتہ زیاد حصہ ادا
 کور مت۔

کلچر تہ زبان

س: زبان کیا ہے تہ اکہ قومک کلچر زانہہ باپتھ کم پز زاناون نشانہ چھ ضروری؟

ج: حقیقت چھ تہ ز کائہہ تہ کلچر چھنہ کئے رنگ تھاوان بلکہ واریاہ رنگ۔ وحدتس منز چھے کثرت یہ چھ کلچرک بنیادی اصول یانے پز تھ کلچرس منز چھ واریاہ ذیلی کلچر آسان۔ یم ذیلی کلچر چھ علاقہ، مذہب، بولہ، پیشہ، جنس تہ وانسہ ہنز فرق آسنہ کئی یادگرتھان۔ مثالے اگر کاشٹر کلچر نمون، اتھ منز چھ مرآزی، کمرآزی، شہری، گا می، مسلمان، بٹہ، گرس، پھیر واک، ٹیچر، کلرک، مردانہ، زنانہ، بزرگانہ، نوجوان بیتر واریاہ کلچر شامل۔ یم سارنہ ذیلی کلچرن چھ واریاہ خاصہ مشترکہ یمو کئی یم یکہ وٹہ اکہ بوڈ کلچر چھ بناوان۔ یتھ کاشٹر کلچر چھ ونان۔ اتھ کلچرس چھ ساسہ بوڈوری پزون توآرتخ۔ دنیہکو ساری کلچر ہیکو کھلس پٹھ کینٹون وسیع تر کلچرن منز باگراوتھ۔ آریائی کلچر، منگولیائی کلچر تہ حبشی کلچر۔ کلچرک کائہہ تہ انہار چھنہ ہمیشہ خاطر ا کسے ڈنجر روزان۔ اوکئی چھ یہ زانن ضروری ز کئے کلچرک کس ہیو جز چھتس تمیک پھیر ہاو جز ہیکون مانتھ۔ تمہ اعتبار چھ اسہ مانن پوان ز صرف چھے زبان یتھ توآرتخی تسلسل چھ تہ یتھ نہ آسانی سان ڈک پھیر چھ ہبکان سپد تھ۔ لجاظہ چھ امہ اعتبار کلچرک صرف اگے پز زاناون نشانہ سوگئیہ زبان۔

س: زبان تہ کلچر چھ اکہ قومک ز اکا مل پزرتہ یمین دون کیا چھ اکہ ا کس ستی رشتہ؟

ج: زبان چھے تمن رسمن تہ قایدن ہند ناو یمو مطابق اسی لوکچہ آواز رلاوتھ لفظ چھ بناوان تہ لفظ رلاوتھ جملہ چھ بناوان۔ زبان چھے آوازن، لفظن تہ جملن ہند بن رشتن ہند نظام۔ یہ چھے باؤژ ہند اکہ سہ لسائی نظام یتھ اندر آوازن، جسمائی حرکون تہ تحریری علامثن ہند استمال گرتھ احساس، جذبہ تہ خیال باقی لوکن تام واتناونہ یوان چھ۔ یہ چھے خیالات، جذبات تہ خواہشات ظاہر کرنک اکہ خالص انسانی تہ غار جلی طریقہ یتھ اندر علامثن ہند رضا کارانہ استمال سپدان چھ۔

زبان تہ کلچر چھ ز اصطلاح یم اکثر یکوٹہ ورتاونہ چھ یوان۔ لجاظہ چھ زبان تہ کلچرس پانہ وانی اکہ قریبی رشتہ آسان۔ یمیلہ اسہ کئے قویج شناخت اسہ ہاونی، یم دوشوے چھ ورتاونہ یوان۔ کلچر چھ تو تام نامکمل یو تام نہ تھ ستی زبان شامل کر ہون۔ حالانکہ یمین دوشوونی چھے الگ الگ کام۔ وون گو تھ کئی یہ زانہہ چھ یوان ز پوشاک، کھن چین تہ باقی رسم و ریوان چھ کلچرس منز یوان تھے کئی چھے سانہ تمدنک اکہ ا ہم پہلوزبان۔ لفظن ہندس لسائی آگرس تہ فکری تہ توآرتخی پوت منظرس منز چھ اکہ قومک حال و احوال رتھرتھ آسان یمہ کئی زبان لسائی، تہذیبی تہ توآرتخی اعتبار پز زاناون تہ پرکھاونی

ضروری چھے، تھہ کز چھ کلچر تہ قومن ہندس تہذیبس، ثقافتس تہ تو ا رتخس و ا قف کرنا وان، لجاظہ چھے زبان تہ کلچر اکہ قومکو مشترکہ میراث آسنس ستر ستر ز اکا ایل پزرتہ۔

عالمی تھیٹر۔ اکھزان

کشیئر ہندس لکھ پا تھرس متعلق لیکھو مختصر زان:

کاشر پا تھر چ تارت نچھے کافی پرائی دویمہ صدی مسیح پٹھہ چھ امیک تو ا رتخی حوالہ دستیاب سپدان۔ سانہ پا تھر چ و ا نسہ ہند انداز چھ ا س نیم تو ا رتخی تہ ادبی کارنامن ہندس تنو طرس پٹھہ ہرکان لگاوتھ۔ نیل مت پاران، راج ترنگنی، The Valley Of Kashmir بیترا ہم ادبی تہ تو ا رتخی کارنامن ہندس بلوٹس پٹھہ چھ کاشر پا تھر ک پتھ کال زبردست ادبی تہ بختاوار حائل بنان۔ راجہ تچن اول، اوتی ورن، ہرش دیوتہ بڈشاہ ہندس دورس منزووت کاشر پا تھر شاہی دربارن تام۔ امہ ستر چھ پتہ ننان کہ یہ فن چھ عوامی تفریق دوارکن مقبول ذریعہ اوسمت۔ یہ فن اوس دلفریب آسنس ستر ستر مجبور لکن پونسہ کماونگ اکھ ا ہم ذریعہ تہ سانی بانڈ چھ ا می روایتکو زند ثبوت تہ سون بانڈ پا تھر چھ واریاہ مقبول عام اوسمت۔ ہندوستا نچین باقین جاین منزتہ اوس نوک تھیٹر وونی گو وتم تھیٹر چھ کشیئر ہند نوک تھیٹر کھوتہ واریاہ پتھ ا ستر۔ جدید دور کب نوونو تجربو ستر سپد سون بانڈ پا تھر بے کسی تہ عدم توجہی کز تھوڑا کم پایہ وول گوویس سانس کلچرس، سانن فنکارن ہند تمدنی دیت چھ، سہ چھنہ مشراون لایق۔

بانڈ پا تھر چھ کاشر کلچر ک سہ شوہ و ن انہاریس اکہ طرفہ دل بہلائی ہند پہلو کز منس ویان چھ دویمہ طرفہ چھ سانہ پتھ کاکو سماجی، سیاسی حالات اسہ ا نہ منزی ہاوان۔ اتھ فنس ستر وابستہ فنکارو چھ صدر یہ وادو پٹھہ کاشرین لوکن ہند دل زرننا و ستر۔ بانڈ پا تھر کین مختلف تر این تہ گر این پٹھہ نظر تراوتھ چھ صاف پاٹھ کلبہ یوان اتھ فنس ستر وابستہ فنکار وچھ سرکار ظلم، سماجی نابرابری تہ باقی تمام حرکتن زینان ا ستر ستر۔ یو دوے سہ راز پا تھر، انگریز پا تھر، درز پا تھر یا بھری پا تھر بیترا سہ ہا۔ یمن سارنے پا تھر ن اندر چھے وقتہ کین حاکمن اسان اسان خبر ہینہ آہ۔

بانڈ گو واداکار، جوکر، یا مسخر، پا تھر چارن گو وڈرامہ گندن۔ مسخر سز کام چھے لوکھ اسنا و نی، پانس پٹھہ اسن تہ پنہ نس اندر پکھس پٹھہ خند کرنی۔ بانڈ پا تھر گو و سہ روایتی لکھ ڈرامہ تھہ پنزا اکھ خاص ٹیکنیک چھے تھہ منز نوٹن، گندن، اسن، وائس، گون، مسخری، طنز و مزاح، اداکاری تہ اسنا و ن چھ۔ یمن سارنے ہند یکوٹہ میلن گو و بانڈ پا تھر۔ بانڈ پا تھر چھ کشیئر ہند روایتی تھیٹر یس جدید ڈرامہ ٹیکنیک نشہ واریاہ مختلف چھ۔ بانڈ پا تھر س منز جھ تر بن چیزن ہند اسن لازمی رقص،

موسیقی تہ مسخر۔ بانڈ پاتھرس منز چھ زیاد طنز و مزاحس پٹھ زور دینہ یوان تہ امہ حسابہ موضوع ژارنہ یوان مگر ڈرامہس منز چھے
 پرتھ گنہ موضوعس پٹھ کتھ کرنہ یوان۔ ادلس منز چھ ڈرامہ سہ اکھ فن ماننہ یوان یس سید سیو دلوکن پٹھ اثر انداز چھ ہبکان
 سپتھ۔ یہ کتھ چھے و نیکتام ثابت سپز ہر ژڈرامہک اثر چھ و چھن وول رٹان۔ مسخر چھ بانڈ پاتھرک اکھ اہم تہ منفرد کردار
 ۔ تیمر سبز کام لوکن اسناون چھ۔ سہ چھ تما شہگیرن تہ پاتھرکین اہم کردارن ستر ہمیشہ مذاق کران روزان۔ تمس چھ
 پرتھ گنہ طرفس گن گوتھنگ اجازت تہ پرتھ کانسہ ستر مذاق کرنس اجازت دینہ یوان۔ پاتھرک بنیادی عنصر چھ مذاق تہ
 طنز و ظرافت چھے مسخر سے تام آیتن آسان۔ پاتھرس منز چھ مسخرے یوت اکھ بسیار پائل تہ زند کردار۔ مسخر سندر لباس چھ
 سبٹھاہ دلچسپ تہ لگ بھگ چھ پرتھ پاتھرس منز مسخر سندر پوشاک ہیوے آسان۔ بانس چھ مسخر پانس ستر تھاوان۔ بانڈ
 پاتھرن ہند دار و مدار اوس یوان ماننہ مسخرن پٹھ تہ سہ چھنہ کانہہ پاتھر تہ منز نہ مسخر آسہ۔



ڈراما کی گاہ گو

ڈراما چھ اگھ یونانی لفظ۔ ڈراما گو و کینہہ عملی طور ہاؤتھہ دیں۔ ڈرامہک مؤلہ لفظ چھہ ڈراو۔ دزاو لفظک معنی گو او do۔ ڈراما لفظک معنی چھہ کرون، ہاؤن، یا کرتھہ ہو وومت چیز۔ ڈراما چھہ انسانی افعالن ہند نقل و ن وول چھہ ارسطو۔ ڈراما چھہ ادبکن اہم ترین صنفن منز شمار سپدان۔ امکو آدن کا لکو تاریف چھہ اسہ یونانکس مشہور فلسفی تہ نقاد ارسطو سٹیز پوٹیکایہ پٹھہ حاصل سپدان یتھہ منز مڈ ڈرامہس انسانی عملن ہند نقل و وومت چھہ۔ ڈراما چھہ تھہ ادبی صنفہ و نان یتیمہ دسی کا تھہ قصہ، کہانی یا واقعہ ادا کارن ہند ذریعہ و چھن والبن یا بوزن والبن برو تھہ کتہ عملی طور پیش کرنہ پیہ۔ ڈراما چھہ افسانکو یا ناولہ ہندری پاٹھی صرف تحریری ادب یس صرف پر نہ پیہ۔ از تام چھہ نثری ڈراما، ریڈیو ڈراما، ٹی وی ڈراما بیتر لکھنہ آمتی۔ فنی اعتبار ہسکون ڈراما تر بن حصن منز تقسیم کرتھہ یکن منز پلاٹ، کردار، ڈیلاگ تہ زبان و بیان یا اسلوب و نان چھہ۔

ڈرامہس منز گڑھہ واقعن ہنز ترتیب تھہ پاٹھی آسنی زپر تھہ کا تھہ ینہ وول واقعہ گڑھہ برو تھہ واقعہ منز نیران باسن پیہ گڑھہ تمہ کھوتہ زیاد متاثر کرون۔ گو ڈپٹھہ نبصفس تام گڑھہ مختلف واقعن ہند ارتقا سپدن تاکہ بیلیہ ڈراما نبصفس پٹھہ واتہ و چھن و ا لس یا بوزن و ا لس تگہ ڈرامہک مرکزی مسلہ بوزن۔ پلاٹس منز بیپتیاہ کم واقعہ آسن تیوتاہ ہیکہ ڈراما نگار تمن زیاد موثر بناؤنس گن پنن توجہ دتھہ۔ ارسطو چھہ ڈرامہک حجم پانئون منظرن تام محدود کرنچ تہ تلقین کرہن۔ کردار نگاری خاطر چھہ یہ ضروری ز کردار مشخص کرنہ وز گڑھہ تہنر و ا نسہ، طبقتس، تعلیم تہ خاندانی خصوصیتون ہند خیال تھاونہ یں۔ ڈرامہک مرکزی کردار ہیر و گڑھہ عام انسان ہند کھوتہ برتر آسن تکیا ز امہ ستی ہیکہ و چھن والبن یا بوزن والبن تکر سندا انجام متاثر کرتھہ۔ ڈرامہس منز گڑھہ سادہ تہ موثر زبان ورتاونہ تہن۔ مکالمہ گڑھن کردارن ہنز و ا نسہ، ماحولس، خاندان تہ ضرورتہ مطابق آسنی یتھہ تم فطری باسن۔



کاشرس منز ڈراما صنف ہنز ریوایت

کشیہ منز اُس ڈرامیج اکھ زہٹھ ریوایت تہ ایچ ابتدائی شکل اُس پاتھر۔ پیشہ ور پاتھر گرن چھ کاشرس منز بانڈ وتان۔ ایم اسی کانسہ شخصہ سہزن خا مین نقل کرتھ تس تورگن ظون پھران۔ بانڈن ہنڈ روزنکو مرکز اسی سویہ بگ، واتھور، یوے سوپور، اکھ گام انت ناگ تہ پہالن۔ یوڈامیو منز چھنہ گنہ تہ ڈرامہک مسودہ نہ نشہ موجود۔ کاشرس منز ڈراما سرمایس پھیڑ دتھ چھے یہ کتھ ننان زگوڈ نیگ کاشرس ڈراما چھ سچ کہوٹ، یس نندلال کولن ۱۹۲۹ منز لیو کھمت چھ۔ یہ چھ اکھ مذہبی ڈراما تہ ایچ زبان چھے فارسی آمیز۔ امہ پتہ تہ چھ تم کینہہ ڈراما تہ لیکھی مگر تم ہنڈ کسختہ چھنہ موجود روڈو مگر۔ امہ پتہ چھ غلام نبی دلسوز غار مذہبی ڈراما لکھان مثلن لیلی مجنون، شیرین خسرو بیتر۔ دلسوزن چھے ڈرامہن منز شو ز زبان ورتاؤ ہن۔ محی الدین حاجی یں چھ پٹن ڈراما 'گریسی سڈ گر' ۱۹۳۸ منز لیو کھمت۔ یہ چھ اکھ سماجی ڈراما۔ یوڈوے پتم ساری ڈراما کاشرس کتہ وو پر اسی مگر یہ ڈراما بنیا و کاشرس ہنز زندگی ہنڈ انہ ایچ زبان چھے عام فہم۔ اتھ ستر ستر چھ تارا چند بسل تہ نیلہ کنٹھ شرماتہ کینہہ ڈراما لکھان۔ امہ پتہ چھ پریم ناتھ پردیسی، پشکر بھان، امین کامل، اختر محی الدین، سوم ناتھ زنتی، نور محمد روشن، دینا ناتھ نادوم بیتر اتھ صنفہ گوڈ بران۔ موتی لال کیمو، ہری کرشن کول، علی محمد لون، سجود سیلانی، رتن لال شانت، ہنسی نزدوش چھ سانہن ڈراما نگارن منز شامل تہ امہ علاو چھ سانہو ا دیو باقے زبانونو پٹھہ ڈراما ترجمہ تہ کر مگر۔



Prepared by: Dr Sakhi Shah Irfan

GDC Shopian. Cell No: 7006966578

افسانہ

افسانہ گو وکتھ وبتگ سہ طریقہ یتھ اکھ ابتدا آسہ، عوروج آسہ تہ اختتام آسہ۔ سوکتھ یوسہ تہہ دارتہ پاسل آسہ۔ اتھ اندرچھ مُشاہد، تخیل، علم تہ فکر آسان۔ یموژور وچیز و مژر یو دے اکھ چیز افسانس مژر غاب آسہ تیلہ ہیکہ یہ بیہ کینہہ آستھ پوز افسانہ۔ یا افسانہ چھ سونثری کہانی یاد استان تیمکو کردار و واقعات سبٹھاہ مختصر آستھ گنہ مخصوص تاثرس وتلاون۔ اتھ مژر چھ کانسہ مخصوص کردارس پٹھ ژور توجہ دتھ ٹر سندر کینہہ خاص پہلو گاشراونہ یوان تہ یے مخصوص پہلو تہند زندگی ہند عکاس بناوتھ تس سماجس مژر اکھ حقیقی کردار بناوتھ پیش کران تیمکو سندر جذبات، احساسات تہ خیالات قائلس پانس مژر مگر تھ پور پٹھی آو راونچ توڑھ چھ تھاوان۔ افسانہ رۇ د زمان و مکان بدلنس ستر پانس مژر تہ بدلا و پاد کران تہ یہ بدلا و آوموضوعی، ہیتی تہ زبانی ہندس رۇ پس مژر۔ ناتھراپ فرائے چھ ونان:

افسانس مژر چھ اسی زندگی ہند نظار شپٹہ مژر کران تہ شپٹہ چھ افسانہ نگار سندر رۇ یہ مشخص کران۔ نظار ہیکہ زندگی ہنز ساکو مینگ آستھ۔ افسانہ چھ زندگی ہند بن شکن تہ فکرن ہند حالک ژھانڈو۔ افسانہ کس ساختس مژر چھ ڈراما آسان۔ واقعن، جذب بن یا خیالن ہند تصادم تہ یہوے تصادم چھ افسانگ رۇح۔ اٹھ تصادمس اندر اندر چھ واقعہ اکھ عمارت کھالان۔ یمہ کنی خیالک یا جذبک جو ہر عیاں چھ سپدان ”کو کر جنگ“ افسانچ بنیاد چھ دون زنانن شاہ مالہ تہ جانہ بڑ ہندس شخصیتس تصادم۔ یہوے ٹکر اوچھ کو کرن ہندس پانہ وانی جنگ کرنس مژر نون تہ واضح سپدان۔ یوت یہ تصادم تہ ٹکر اراو پایہ شخصیزون ہند آسہ یا خیالن یا جذب بن ہند آسہ، فنکارانہ اندازس مژر پیش پیہ کرنہ تیوت چھ افسانہ مکمل تہ کامیاب سپدان۔

اوہنری چھ ونان ز ”افسانہ گڑھ فسانہ (سٹوری) آسن۔ واقعات تہ حادثن ہند رکاڈ۔ تہز چال، غار متوقع ارتقا یس اشتیاق نو قلعے عوروج تہ تسلی بخش خاتمہ کو مرحلو مژر گزاران آسہ۔“

افسانگ تو اریخ چھنے زیاد پزون۔ افسانگ آغاز سپد گنو ہمہ صدی ہندس آغازس مژر امریکا پٹھ ۱۸۱۹ء کیت آہ Sketch Book ناو کو ڈونچ افسانہ سو مبرن ترتیب دنہ۔ واشنگٹن ارونگ اوس امیک مصنف۔ داستان گویا یالو کہ کتھ مقابلہ اوس یمن افسان ہند انداز خود کلامی ہند ہیو۔ یمن نہ اوس پلاٹ تہ نہ کانہہ حرکتھ۔ امہ پتہ چھ ہاتھارن ناو کو افسانہ نگار سندر افسانہ بازریمن اندر واقعہ تمثیلی اندازس مژر فنکاری سان بیان اسی کرنہ آستھ۔ ۱۹۸۲ء اندر رگری ایڈ گرایلن و ہن افسانہ لکھنے باپتھ کینہہ بنیادی اصول مشخص، یم پتہ افسانہ باپتھ ترکیبی جز قرار دنہ آے۔ یمن مژر اسی اختصار، خیالن ہنز ہم

آہنگی، وحدتِ تاثر، وحدتِ خیال، واقعاتن ہند ہشر تہ حقیقت نگاری اہم تہ چھ افسانہ نگون ماننہ یوان۔ گنوہمہ صدی ہند اُخری دہلہ پتے آے واریاہ شاہکار افسانہ لکھنہ یومو ستر اتھ صنفہ باضابطہ پاٹھو کلاسیکی ادبک درجہ حاصل سپد۔ گوگول، موپاساں، چیخوف، لیوٹالسٹاے، کپلنگ، اوہنری، ایچ جی ویلز، گورکی، اندرسن تہ باقی لکھاری یومو افسانس اندرنہ صرف ہیئت تہ تبکنیکہ لحاظہ کُری تجربہ بلکہ کُری موضوعی لحاظہ تہ اتھ بے پناہ وسعت عطا۔

وہمہ صدی منزاوس عالمی امنس جنگو کنی خطر لاحق۔ نتیجہ رنگو آہ پیرس منزا ۱۹۳۵ء منزا کھ ادبین تہ دا نشورن ہنز کانفرنس منعقد کرنہ پیٹہ دنیہس منزا امنس آے کاچھنہ موکھ ترقی پسند تحریکہ ہند آغاز سپد۔ دویمہ وریہ یعنی ۱۹۳۶ء ہس منزا آہ ہند وستانس منزا تہ ادبین ہند دسی انجمن ترقی پسند مصنفین، ناویج تنظیم بارسس یٹھ منزا ترقی پسند تحریک ہند منشور بناونہ آو۔ امہ تحریکہ ہندی صدر اسی منشی پریم چند۔ امہ انجمنہ کُری کاشری ادیب تہ متاثر۔ کشیر منزا تہ اوس او تام مغربی تعلیمہ ہند پھالا وسپد مت تہ اردو زبانی ہند ذریعہ اسی کشیر ہندی ادیب تہ دا نشور تہ مارکسیت نش متاثر سپدان، یٹھ پاٹھو اوس کشیر منزا تہ اردو ادبکہ زیر اثر کاشرس ادبس منزا تہ ترقی پسندی ہند ہوانو اپا د سپدن ہیو تممت۔ کاشرس منزا چھ ترقی پسند تحریکہ ہند بو دیت افسانہ صنف۔ وہمہ صدی ہند اکھ نقاد تہ افسانہ نگار پریم چند چھ افسانہ خاطر نوم کینہہ نوقطہ ضروری زانان:

افسانس منزا گتھ وحدت تاثر آسن۔

افسانگ کن گتھ کاٹھہ نفسیاتی پزرا آسن۔

افسانہ کس پڑتھ منزا لس گتھ کینہہ زا ودر جا آسن۔

افسانس اندر گتھ تیزی تہ تازگی آسن۔ غار ضروری گتھ ہنہ اتھ کہنی آسن۔

افسانہ گتھ من رزنا وان مگر تھ گتھ ذہنی تشفی خاطر جذب بن ووتش دنہ خاطر تہ کینہہ آسن۔

افسانہ ہیگہ واقعاتی یا کرداری آستھ۔ واقعات گتھن کردان ہنز بدلہ دبرایہ منزا وویڈنی تہ کرداری چھ گھستھ

آسان۔

سوال چھ کلک

سوال چھ کلک افسانہ چھ امین کامل سُنڈا اھرت افسانہ تہ اتھ افسانس منز چھ کامل مرکزی کردار تھانہ دار سہتر تمہ
 نصلو نہ کڈان یمہ وچھتھ نسائی نصلو ن ہنز حاران کر وئی پاری زان سپدان چھے۔ یہ افسانہ چھ طنز بو رت تھ منز اکہ
 پاسہ پلسہ افسرن ہنز کج روی تہ پیہ پاسہ انسان ہند المیہ بروٹھ کن چھ یوان۔ اتھ افسانس منز چھ مرکزی کردار تھانہ دار سُنڈ
 کردار پور پٹھی ووتلاونہ آمت۔

افسانگ بنیادی واقعہ چھ زاکھ لاش چھے دون تھان ہندس بنس پٹھ پڑاچھے پیہمز۔ افسانگ راوی چھ مرکزی
 کردار تھانہ دار س ستی ہم کلام سپتھ اتھ لاشہ متعلق مختلف نوقطن پٹھ کتھ کران۔ تھانہ دار چھ سخ نکھ ہیوت زخام پوریکو
 تھانہ دارن چھ لاشہ پننس اندس کن کلہ پھرناوتھ لاش پننس قبضس منز نچ کوشش کر ہمز۔ مرکزی کردار تھانہ دار چھ قونونی
 ماہرتہ چالاک آسنگ تہ ستی پننس مخالف خام پور کس تھانہ دار سُنڈ کم پایہ آسنگ اظہار کران۔ مسلسل بنیادی چھان بین
 کرتھ لاش دن کرنگ چھنہ مرکزی کردار س خیالے یوان بلکہ چھ سہ پننہ عرضہ نو نو مسلہ نو راوتھ پھیلس دبل ٹلان تہ
 گنہ تہ پٹھی لاش پننس قبضس منز نچ کوشش کران۔ تھو افسر چھ نو نو مسلہ پاد کرتھ بنیادی مسلہ اویزان تھوان یہ زن
 مرکزی کردار تھانہ دار ووان چھ زلاشہ کور کن اوس کلہ تہ چھ اہم یوت تامنہ تہ ننتوت تام اند نہ نیالے تس چھنہ لاش سرٹنچ
 کانہہ فکر۔ افسانہ نگار چھ زمینی سطحس پٹھ کینہہ ائزراونہ وراے سانن افسرن ہندس کا کد دس کرنس تہ پردٹلان یہ زن
 مرکزی کردار تھانہ دار بار بار ووان چھ زمینی کا کد دس کرتھ۔

افسانچ سارے عمل چھے مخصوص کاشر ماحوچ عکاسی کران۔ چونکہ قونون چھ عام انسانہ سُنڈ سہویرتہ آسانی ہند
 خاطر بناونہ یوان مگر قونونکو محافظ درچھ پانہ قونون غلط پٹھی ورتاوتھ اتھ عام لوکن ہند خاطر مشکل بناوان۔ اتھ مخصوص
 ماحولس منز چھ قونونکو محافظ پانہ اکہ غلط فہمی ہندک شکار زیم چھ قونونہ کھوتہ بالاتہ تمن چھنہ امہ کتھ ہند رتھتہ احساس زتم
 چھ عوامچہ سہولیت خاطر تہ عوامکو خدمتگار۔ اوے چھ افسانگ راوی حاران زیتنس کالس یہ کتھ عیان سپد زلاشہ کور کن چھ
 کلہ تپس کالس کباہ بنہ لاشہ۔ حالانکہ سہ چھ تھانہ دار سُنڈ توجہ اتھ کتھ گن پھران ز لاش ماسر۔ تھانہ دار سُنڈ جواب
 چھ ”سر نے دو جی“ سوال چھ کلک۔ سہ کور کن اوس، یوت تام نہ سہ نیالے اند او رک چھ معاملہ اویزان بوتھ چھ سہ ہے
 بنگہ گڑھان۔ تھانہ دار سُنڈ کردار چھ کاشر بن ذمہ دار منصب دارن ہنز غار ذمہ داری مان مانی تہ منصب ذاتی انداز استعمال
 کرنک تہ رسہ کشی ہنز بھر پور عکاسی کران۔ افسانہ نگار چھ طنز یہ لہجہ استعمال کرتھ اکہ پاسہ پلسہ افسرن ہنز کج روی تہ پیہ

پاسہ انسان تہ انسانی زندگی ہند المیہ بروٹھ کن یوان۔

ژھن

”ژھن“ افسانہ چھ رتن لال شانت سندا اکھ خوبصورت افسانہ۔ یہ تھ منز کشیر تہ کاشر پر بڑتھ راوچ خوبصورت لفظن منز عطا سی کرنہ آمز چھ۔ افسانگ مرکزی کردار چھ روشن لال۔ افسانچ سارے کہانی چھ افسانہ کس مرکزی کردار روشن لالس اندی پکونژان یس پننس پتر کالس وئی دتھ رفوجی کیمپس منز موج مرنس پٹھ دم پٹھ گومت چھ۔ کتھ اگرے کران تہ چھ، تھ منز چھ Abstraction ژ رہن موجود۔ سہ چھنہ پڑتھ کانسہ ہنز کتھ جواب دیں ضروری سمجھان۔ سہ چھ کلہ یون کن چھ دیان آسان۔ افسانگ پلاٹ چھ تمہ و زحرت لبان ییلہ اجت کمار تہ روشن لال پنے اوشہ تعزیت کرنہ یوان چھ۔ اجت کمارس چھ پنن غار کاشر آسنہ سبہ و پر باسان۔ سہ چھنہ کانسہ ستر کتھ کرنس بہران۔ تہ یوہے صورتحال چھ اوشن تہ۔ اچانک چھ اکھ کتھا کتاکر کردار بدری ناتھ عرف بود مام اتھ و پر ازی پانیارس منز تبدیل کران۔ ٹہنس منز روزن واکر کاشر بٹہ مراز تہ کمر از مشرتھ یکہ وٹہ لسان تہ لسان۔

افسانس منز چھ کینڈھو کردار وڈسی کشیر ہنز ثقافتی پڑ بڑتھند ذکر سپدان۔ روشن لال یس گوڈے مول تہ مانج مرہ پتہ کشیر تراوتھ دوکھ لدوس، چھ تلہ پد بن ہند نارژھو راونگ التجا کران۔ سہ چھ شین ژھاران تہ یہ سوچ سوچ چھس اچھ در لگان۔ مگرستی چھس ظون پوان زسہ چھنہ کشیر تہ شین میلپس بلکہ چھ کشیر دوزیمس منز زندگی گزاران۔ روشن لالس چھ ماجہ ہند آخری التجا تھ منز سولس مٹن گوتھ ناگہ بل شران کرن یڑھان اس، وانجہ چھن تلان۔ تس چھ ماجہ ہندی بڑاندی گڑھان۔ کشیر واپس ترنگ اما یس تسنز ماجہ ارنہ اوس گوس نہ پور۔ مگر حوصلہ اوسکھ پھٹس نہ اخرس تام۔ پنے کشیر تہ پڑ بڑتھ مشس نہ پزان سورنہ وزتہ۔ افسانس منز چھ مکانہ مشرتھ کہ میراچ عکاسی کران۔ یون یون نیزن چھ پڑ بڑتھ ہند بکھر نچ تہ راوچ حقیقی تصویر ووتلا وان۔ پڑانسے مکانس پور کرن چھ یکجہتی تہ یکتیگ عکاس۔ موخصر ووز اتھ افسانہ منز چھ کشیر نشہ ژھنہ گومت اکھ کاشر کاغذی پڑ بڑتھ تہ مختلف القاب (Refugee Te Migrant) چندس منز ہتھ پنن تشخص رنژھراونہ باپتھ ژھڑٹہ ژھڑٹہ کران۔

غزل صنفی شناخت

ج: غزل چھ مشرقی زبان ہند اکھ مقبول ترین صنف سخن، بلکہ مشرقی شاعری ہند تخلیقی عروج، یس پنہ از کالہ پٹھہ از تام زمانہ کین بد لو بن تقاضن ہند مزہ پڑنا وتھ شاعری در بان تہ ادبی مغلن مجلس ہند زینت تہ روتہ شاعری پٹھہ بحث کرن والین ہند مرکزی موجوع تہ۔ غزل چھ سو ہیتی شعر تخلیق تیکو عربی قصیدہ منہ زائین پڑا وتھ فارسی یس منہ پٹھہ مقرر صنفی شناخت پڑا وتہ یہاے فارسی زبان چھے امہ اہم شعر صنفہ ہند آگر تہ از تام ساروے کھوتہ بوڈ مرکز۔ فارسی پٹھہ ووت غزل پٹھہ صنفی شناخت برقرار تھ وتھ اردو تہ کا شرس منہ تہ یہاے صنفی شناخت چھے غزلک بنیادی پڑنا ون نشانہ تہ باقی صنفن مقابلہ اہم پھیر ہا و خصوصیت۔ حالانکہ اردو والو کرنا یہ غزلک کینہہ نوے ہیتی تجربہ تہ یم نہ کامیاب روڈر یا یم نہ صنفی پذیرائی سپڑ تہ کینہہ کا شربو نقادو کر یو و کا شرس و زلس تہ غزل و ن شروع اما پوزیہ اوس محض اکھ غار سنجیدہ تہ غار منطقی احساس یا تصور تہ غزلہ کس کلہم سفرس (غزل چھے نوشیتھ وری پٹھی و انس) کا نہہ شہادت یا سند چھنہ۔

غزلک گوڈ شعر چھ دون مصرعن ہند آسان یس لازمی طور ہم قافیہ یا ہم قافیہ ہم ر دہف آسن گڑھ تہ ستی گڑھ یہ شعرا کس مخصوص و زلس تہ گنہ مقرر بحر منہ گنڈ تھ آسن۔ یہ تھ مخصوص و زلس تہ یہ تھ مقرر بحر منہ غزلک گوڈ ٹیک شعر گنڈنہ آمت آسہ، نتھی مخصوص و زلس تہ نتھی مقرر بحر منہ گڑھن ہیر پٹھہ یون غزلک باقی ساری شعر گنڈنہ تہ۔ یا ونو یہ تہ کنز زیس و زن تہ یوسہ بحر غزلہ کس گوڈ شعرس منہ ورتا ونہ آمت آسہ، سے و زن تہ سوے بحر گڑھ امہ غزلہ کین باقی سارنہ شعرن منہ تہ ورتا ونہ یون۔ غزلہ کس اتھ گوڈ نکلس شعرس چھ فارسی تہ اردو ہس منہ مطلع ونان تہ کا شرس منہ چھس گوڈ شعر ونان۔ امہ مطلع یا گوڈ شعر پتہ یم باقی شعر اتھ غزلس منہ آسان چھ تمن شعرن ہند گوڈ ٹیک مصرعہ چھ آزاد آسان تہ شعر کس دو یس مصرعس منہ گڑھ لازمن سے قافیہ یا سے قافیہ ر دہف ورتا ونہ یون یس گوڈ نکلس شعرس منہ ورتا ونہ آسہ آمت۔ پینن چھے یہ کتھ و تو مناسب ز یمین غزل شعرن منہ گڑھ قافیہ یا قافیہ ر دہف محض آوازن ہند ہشر آسن تہ شعرس منہ باونہ آمتس معنہ مفہومس یا خیالس تہ تجربس ستی آسہس نہ کہنہ مناسب تہ محض قافیہ بندی ہنز مجبوری کنز آسہ بے معنہ تہ ہر یمانہ۔ بلکہ گڑھ قافیہ یا قافیہ ردیف شعرس منہ باونہ آمتہ خیالک، تجربک یا معنہ مفہومک از صہن انگ آسن۔ تہ تھ ز ہر گہ قافیہ ر دہف شعر مصرعہ منہ الگ کڈون، شعرک معنہ مفہوم گڑھ چھلہ چھانگر گڑھن تہ شعرک آہنگ آکار گڑھ زنتہ ڈنجہ ڈکن۔ دو یم یہ ز غزل شعرن ہند قافیہ ر دہف گوڈ ہ مساوی تہ مشترک اچھر آوازن ہند نغما ورتا و آسن۔

غزل شعرن ہند تعداد بنی و نہ کنی زمانس منہ غزلک اہم یا بنیادی جو۔ پڑون تصور اوس ز غزل گوڈھ پاٹھو (۵)

شعر و پڑھ سدرہن (۱۷) شعرن ہند آسن (۲۵) شعرن ہند رواج تہ اوس) تہ غزل شعرن ہند تعداد گوژھ طاق آسن نہ ز جفت۔ اما پوز موجود دوسر منز چھنہ اتھ تصورس یا اتھ رواج اتھس کاٹھہ اہمیت یا افادیت۔ غزلگ پڑتھ کاٹھہ شعر گوژھس شعر کس قافیس یا قافیس ردیفس تابع آسان چھ۔ دویم یہ ز غزلگ پڑتھ اکھ شعر چھ جداگانہ، آزاد، خود مختار تہ خود کفیل آسان۔ توے چھ ونہ یوان ز غزلگ پڑتھ اکھ شعر چھ پُنن الگ الگ دنیا، پُنن الگ الگ داستان تہ پُنن الگ الگ افسانہ یس پڑتھ اعتبار آزاد، خود مختار تہ خود کفیل آسان چھ۔

موضوعی اعتبار چھ ونہ آمت ز غزلگ لغوی معنیہ گوژھ زنانن ستر یا زنانن متعلق کتھ کرنہ یا لو لکو تہ حسنکو افسانہ باونی۔ اما پوزینہ ابتدا کالہ پڑھے رُو دنہ غزل اتھ لغوی معنیس تہ محتاج یا تابع۔ بلکہ رُو دنہ غزل موضوعی اعتبار زمانہ کین بدلونن تقاضن ستر ہم آہنگ تہ ہم مزار پنتھ پُنن دامانہ کشاد کران۔ سماجی زندگی ستر وابستہ یم تہ خارجی یاد اخلی مسئلہ تہ معاملات انسانس پنہ ابتدا کالہ پڑھے درپیش آے یا یم ستر تس واسطہ پیو ویا تجربہ گوژھ تم ساری مسئلہ تہ معاملات بناؤر زمانہ پتھ زمانہ غزلن پنہ موضوع۔ غزل رُو دنہ کتھ مخصوص موضوعس تابع بلکہ پانناون تہ ورتاؤن تم ساری موضوع یم کلہم شاعری منز از تام ورتاؤنہ آمتر چھ۔ عمومی طور چھ غزل منزلول، عشق، مذہب، تصوف تہ انسانی زندگی ستر وابستہ سماجی تہ سیاسی معاملات تہ باونہ آمتر تہ کیشن سوچن تر این تہ فکری روجان ہندس فلسفیانہ پوت منظرس تحت تہ چھ غزل پھانپھلیو مت تہ پھبؤ مت۔

غزل چھ لسانی اعتبار تہ پنہ مخصوص مزار، لہجہ تہ آہنگ کرنہ تہ اکھ منفرد شعر صنف۔ شاعری منز چھ کیشنہ شعر ذاتر ہیتی صنفہ تہ کیشنہ چھ موضوعی صنفہ مانہ یوان تہ تو کرنہ چھ پڑتھ کاٹھہ شعر صنف پنہ ہیتی تہ موضوعی اعتبار پنہ لسانی صورت یا ونو پنہ شعر زبان پانہ مشخص کران۔ نظم نہ چھ موضوعی تہ نہ ہیتی شعر صنف، یمہ کرنہ نظم پانی پانہ پنہ ہیڑ تہ موضوع اعتبار پنہ لسانی صورت کران چھ۔ مثن ہر گاہ نظم غزل فارمہ منز آسہ تہ موضوع تہ آسہس کتھ اعلیٰ غزل شعر کر پاٹھی کلہم انسانی صورت حالگ اکھ یا ینا کھ احساس، ایچ زبان آسہ لآ زمن کتھ آزاد یا نثری نظمہ یا کتھ بدل فارمہ منز تخلیق سپر مزہ نظمہ نشہ الگ تہ مختلف۔ مثالہ پاٹھی اکہ پاسہ تھ او توں مہوورنی ”بیمبر زل“ عنوانہ نظم..... تہ بیکہ پاسہ تھ او توں آزادنی ”دریاؤ“ عنوانہ نظم۔ دوشوہنی ہنز زبان چھ مختلف۔ او کرنہ ز دون شاعرن چھ پُنن بدون اسلوب آسان بلکہ او کرنہ ز نظمہ ہنز زبان چھ خود نظمہ ہنز ہیت تہ موضوع مشخص کران۔ اتھ دعوا ہس ہیکہ ذلیل پنتھ کاٹھہ ا کس شاعر سندر کی دورچہ ز شعر تخلیقہ غزل تہ نظم۔ نیتون رحمان راہی سُنڈ کاٹھہ غزل تہ کاٹھہ نثری یا آزاد نظم۔ دوشوہنی تخلیقن ہنز زبان چھ مختلف، لہجہ آہنگ تہ احساس ہتھ۔ حالانکہ موضوع تہ چھ بظاہر گئے۔ انسانی صورت حالگ آدمی و ہدا کھ..... مشال۔

وونی وین کاٹھہ ز غزل شعری ہیکہ آزی چھ منحصر نہ کی یا آزاد نظم۔ ہنز ہیتی صورت ہاوتھ، مثلاً:

لو ہڑتہ چھند رپھڑ

مسول ونان

چھے پوشن

دامانہ میون تیکر چھول

یا گنہ بظا ہر غزل شعرس ہسکو وژن بندہج صورت تہ خشتھ۔

ژوس سنہ سو درس سون

محیط کینا زانی اؤن

سہل چھامعنہ بوژن

(شمس فقیر)

تہ زانن گاٹالی

غزل شعرس نثری نظمہ ہنر صورت دنی یا مذکور بظا ہر غزل شعرس وژن بندہج صورت دنی سپد او کئی ممکن تکیا ز غزل شعرن چھ پٹن اکھ مکمل وجود آسان۔ ہتی اعتبار مکمل وجود تہ معنہ مفہومہ کئی تہ اکھ مکمل تہ خود کفیل مضمون یا تخلیقی تجربہ۔ وونی ہر گاہ غزل شعرس منر ورتا ونہ آمتی لفظ آزاد یا نثری نظمہ ہندس صورتس منر چھکرا ونہ بین، مذکور غزل شعرس منر باونہ آمت خیال یا تجربہ چھ تہ کرتھ تہ مکمل تہ نظمہ ہند معنوی تسلسل تہ روزیہ دپی ز تہ برقرار۔

کاشر غزل چھ ترقی پسند مزاز تہ مفہوم تہ چھاوان تہ جدید حسابا گہی ہند رس چتھ وولسنس تہ یوان۔ ازیگ ہمکال کاشر غزل چھ کاشر نظمہ مقابلہ ازی چہ پیہ ہند بن شاعرن نشہ و اتتھ پنہ سرتاز لسائی آہنگہ، باؤ ژطر ز تہ فکری و اتنیار اعتبار زیادے پہن وولیو مت باسان چھ یس گنہ مکتبی تحریکہ یا فکری رجائس تابع آسنہ بجایہ پنڈ خدو خال پانہ مقرر کران تہ یہاے چھے امہ کہ تابناک مستقبلا پنج ضمانت تہ۔



سراپانگاری: اکھ تعارف

سراپاچھ فارسی زبانی ہنڈا کہ ملہ مش لفظک ژھو چرتہ معنی کروس 'تالہ پٹھ تلہ پڈس تام'۔ اصطلاحی رنگو چھیہ امہ تلہ مطلب آسان سوشعر باوتھ بیہ کہ ذریعہ شاعر کاٹھہ محبوب صورت انسانہ سندرؤپ رنگ تہ تڑاے گڑاے ووتلاوان چھ۔ حُسنہ باس تہ لولہ احساس چھ پتہ وتہ آمتز۔ سراپانگاری چھے کلہم شاعری ہنڈا اکھ اہم صنف گنزرہ یوان۔ ہم چھ تم شعر یمن منز ماشوق سندرِس جسمانی حُسنس، لباسس، پآراوس لفظوہ تہ سہ نقشہ تُلنہ بیہ یُس تارلیفوہ تہ برتھ آسہ۔ کاشر شاعری منز چھ جان سراپانگاری رسول میرن تہ محمود گامین دُسلابہ کو رمت۔ اتھ نچ چھ ازتہ کینہہ شاعر یمن منز فاضل کشمیری ناو ہنس لایق چھ گوڈ بران۔ مگر بیتھ مقاس پٹھ رسول میرن تہ مہجورن سراپانگاری واتناویہ ہچھ نہ تمہ بروٹھ پیہ کاٹھہ تہ پکناوتھ۔ مثالہ باپتھ چھ نوم کینہہ شعر۔

رتھ	ونہ	چانبن	مانز	نمن
اتھہ	چھ	مانز	پوس	
لوچرس	چھ	ساری	لوچہ	لمن
تھاو		بمن	گوش	

(محمود گامی)

عشقہ	پچان	زن	ارغوانن	منز
کاژ	ژون	دون	شہمارن	منز
نقش	چہنس	زُنا	نائے	لو
بوش	حسنس	روزی	نہ	کائے

(رسول میر)

واش	ییلہ	تھر	کوڈ	زُلف	پچان
گاش	رؤد	ژور	دُر	دان	منز
مُشک	دار	واو	ژاو	منز	گلستان
جائے	تھر	رٹ		پرستان	منز

(مہجور)

رسول میر بحیثیت سراپا نگار شاعر

کاشرس منز چھ سراپا نگاری ہند ساروے کھوتہ بوڈو وستادرسول میر پوٹھ باسان زرسول میر چھ اتھ سراپا نگاری ہنا
 پزنہ پیٹھی لوررؤ دمت۔ رسول میرن کو رکاشر غزل حسن و عشق ستی متعارف۔ سہ چھ بہلہ پایک حسن تہ جمال پرست
 شاعریمہ کنزلس کاشر جان کپٹس ونہ آو۔ تکیا زسہ تہ چھ یہ دنیا لوکچہ وائسہ منزے تراؤ تھ گڑھان۔ رسول میرنہ شاعری
 منز چھ حسن پرستی تہ گزنی گڑھان۔ شاعر وایشن ہند پاس کتر تھ چھ سہ بعضے زنانہ ہند کردار اختیار کران تہ بعضے روائی و نشہ
 ڈلتھ مرد سندا کردار۔ مثلن:

ٹھس گوم ہانکلہ دزسہ گوم بریے
 تڑس گوم وانجہ یار ما آو
 تکر دور سپنہ تہ مے دار نرے
 وولہ ویسے ونٹے کونے یار آو

یا

بٹھ پٹھ تھوڈ تئل نقاب، تلکھ نے ویہ بہ کھمے
 یہ گناہ یا چھ ثواب چاو مے جام جمے

رسول میر چھ سراپا نگاری منز کمال تھاوان تہ بقول راء ہی ”رسول میر چھ سراپا نگاری ہند امام“۔ یہ سراپا نگاری اونی
 تکر فارسی پٹھ۔ سہ چھ محبوب سندا س انگس انگس پھری پھری تعریف کران۔

راز ہینزیانہ ناز کیا انزنہ گردن
 یا الہی چشمہ بد نش دور رچھتن

یا

یم قبہ سپنکو ڈپشہ وینن دوجہ پھران دل
 انار شیرین کونہ دپستان دپان چھ

یا

حلقہ بند تکر شوبان نار پستان
 تی وچھتھ گوو ملکن دل پریشان

رسول میر سندا عشق چھ نہ خیال بلکہ مادی تہ محازی سہ جھ لے وائے ماٹھی حسن و عشقس یزنہ نس شاعری دنناہس منز

پُن دین و مذہب بناؤتھ محبوب سُنڈس حسنس طواف کران۔ سہ لوگ غزلس کھونہ للہ ناؤتھ لولو کر نہ۔ تس اُس غزلس منز
 محبوب سُنڈس صورت نظر گرہان تہ سہ رودتمہ کس اُس اُس انگس بے وایہ پاٹھی لول بر نہ تہ اکھ باغی لولہ موت بٹھتھ
 منز ہیتی تہ موضوعی اعتبار نوڈ تجربہ کرنہ۔

آہ	اےینس	کنہ	کوکل	چھایہ
اللہ	بسم	پٹھ	قرآنس	نتہ
لو	ذوالجلالیے	تحر	لیوکھمت	پانہ
لو	کاکریے	نہ	روزی	بوش



جدید کاشتِ نظم: اکھ تعارف

نظم ہند مضمون گزشتہ ہیر پٹھہ بون تام گن تہ ہم آہنگ آسن۔ تکیا ز نظمہ ہنز ڈرامائی تہ احساسی وحدت ہر گاہ ناکار پٹھی متاثر سپد، نظمہ ہندس کلہم وو پزاوس یہہ ٹھونٹھ۔ موجود دورس مئز سپز کاشتِ نظمہ قابل توجہ مقبولیت حاصل۔ موضوع، ہیرو تہ ٹیکنیکی اعتبار گئیہ اتھ مئز نہ صرف رنگارنگی یاد بلکہ گئیہ یہ شعر ذاتھ ہونر اعتبار تہ بالغ سپدان۔

ترقی پسند دورس مئز چھ نظمہ مئز کامل، راء ہی، فراق، عازم تہ خیال بیتر پنے جوان لہجک تہ ترقی پسند سوچک اظہار کران۔ امہ دور کین یمن نو جوان شاعر مئز سپد کینون اردو، فارسی تہ انگریزی زبان پرنگ موقعہ نصیب۔ نتیجہ دزاو ز شاعری ستر آو مشرقی تہ مغربی تنقیدی ادبک تہ مطالعہ کرنہ تہ وار وار کینو و شاعر مئز یہ احساس ز شاعری گزشتہ ہنگامی بجایہ دیر پاتہ مقامی استھ تہ آفاقی آسن۔ اتی پٹھہ چھ باسان ز کاشتِ نظم چھے موضوعی کو ہیتی اعتبار نو و سفر پزاو ن ہوان۔ مثالہ پٹھی نو رحمان راء ہی سئز پے چھ ظلمتہ و زان تہ تخلیق ہشہ نظمہ چھے انسانی صورتحال پیش کرنس ستر ستر ہیتی اختصار تہ موزونیت کام ہوان۔ یو ہے اوس کاشتِ مئز مختصر نظم بالغ سپدنگ آغاز۔ اٹھی نوس دورس ہنا بروئہہ پگتھ آو فکری طور سہ روحان بارسس یس جدیدیت ناو ویو دچھ۔

ٹیکنیکی اعتبار یس معیار راء ہی سندر ڈس مختصر نظمہ حاصل سپد، تھ نکھہ واتج یو شاعر و قابل قدر کوشش کر تمن مئز چھ امین کامل، غلام نبی فراق، غلام نبی خیال، مظفر عازم تہ حامدی کاشمیری ہوو شاعر توجہ طلب۔

امین کامل سئز نظمہ ہنز امتیازی خصوصیت چھے تہ سندر سوچک فلسفیانہ روہ رکانہ تھ اسرار ملہ مش چھے۔ زیرو برج، پزین شہراہ تہ نیل ناگ ہشہ نظمہ چھے فکری اعتبار تہ باؤ تھذا موزون تہ مناسب۔

یہ چھ زیرو برج

میمہ شہر تہ میمہ ہنگامہ بدون (زیرو برج)

راء ہی یس تہ کاملس لرلو رو دغلام نبی فراق تہ کاشتِ نظم لکھان تہ ہیرو اعتبار اتھ رنگارنگی بخشان۔ اہنز ن نظم مئز چھ بے پڑھی تہ قدر شکنی ہند بار بار احساس گنان۔ سہ چھ شعورعی طور نظمہ مئز نوو نوو تہ غار معروف موضوع ورتا و نچ سنجید کوشش کران۔

یتھ ژ کوری بالہ پٹھہ تھ اسہ ناوتھومت زمین

لوکھیم ہنگامہ و زناوان یمن پٹھہ آسن آم (و پھ)

منظر عازم چھ فکری لہذا ایسے کتھے ہند قابل باسان ز انسانی زندگی ہند ساروے کھوتے مولل سرمایہ چھ لول۔
 موسیقی تہ ترانم دار لہجہ چھ اہنزن نظمیں ہنر خصوصیت۔ ہتی اعتبار رو دعازم نو نو تجربہ کران تہ ٹیکنیکی اعتبار روز اہنزن نظمیں
 سفید نظمہ ناو شاعری نثری شاعری و ن مناسب۔

اکھ شوخ طماہ اوس کمس تام سہ تمبلیو و

تتمبلیو و تہ دیوانہ دپان واو ہتھ دزاو (لغزش)

پروفیسر شفیع شوق چھ پرنہ پاٹھی نو حسباً گہی ہند ترجمان۔ تس چھے جدید نظمہ ہنر ٹیکنیک ورتا و ن تگان تہ باو تہ ہندس
 اختصارس پور پاٹھی کام پین تگان۔ اہندس تخلیس منر چھ کشیر ہند گام، گامی تصورات تہ گامی لوکھ بستھ۔ اٹھی صورتحالیس
 چھ پرنہ جدید فکر ستی قابل توجہ بناوان۔ شوق چھ نظمہ منر شعوری طور نو زبان ورتاوان تہ نو ہن استعارن ہند تلاش کران۔

یپ و ستھ ہو چھ کول

تہ کنہ داٹھر دتن

کچھ شہلس گرو و دنی

(یپ و ستھ)

پڑا یہ کوء کر گاسہ بنہ پٹھ



کور۔ اتھ نظمہ منز چھ بنیادی طوراً کسیکو رہند بن ترین دوران ہنز عکاسی سپدان۔

دہہ وری برو نہہ تہ یہ کول اُس یڑھے سنی باسان
بونہ پٹھ اُس گڑھان منز یتھے پاٹھی بولیاہ
زن تہ خاموش سرس منز چھیہ ووٹھ ٹلان گاڈاہ
سے لکر پھلیہ ہوا پرانہ شراچ تیبہ ہتھ
نب یوہے ناگ ونک زون پہاے زن پرکریاہ
(دہہ وری)

اگر تہ استاچ

ہن ہن امر ہتہ وانیک سریہہ

رُم رُم سحر ج بانگ

نبض نبض کوہہ تینتا لبن کھسہ چھوت پوپر

(ترے کور)

رحمن را ہی سُنڈ لولہ تصور چھ برو نہہ گن بدل بدل پہلو تہ وہی ہاوان۔ 'قعدریا' نظم پر تھ چھ محسوس سپدان ز شاعری
چھ لولہ بغارے دنیہک تصور بے معنی باسان۔ لولہ کہ تصور بغار چھ تس سورے عالم اکھ صحر او باسان۔ تس چھ باسان زاگر
کا نہہ چیز تہ سبز زندگی معنی ہیکہ دھ سہ گو و فقط لول۔ سہ چھ محسوس کران ز سورے عالم چھ لڑھ بزی تہ گرد آلود۔ زھوٹ بن
لفظن منز ہسکو و نتھ زیہ نظم چھ جدید انسان سُنڈ تہ تمس باگہ آمتہ کا ینا تک اکھ منظر نامہ۔

قریب بیہ ہن وچھس وچھاہ سر

چھ لولہ ہیوت دم مڑھج جو آنی

(قعدریا)

'قعدریا' نظمہ منز چھنہ ایلٹ سبز The Waste land نظمہ ہندی پاٹھی زندگی ہند از سر نو تا میر سپد نچ محض
اکھ وومید پا سپدان بلکہ چھ اتھ نظمہ منز محبوب سُنڈ وجود زندگی ہندس زمہریرس حرارتھ بخشان تہ گٹس منور کران۔
'ہند فونوس' نظمہ منز تہ چھ شاعر سُنڈ جذبہ غار شخصی۔ را ہی سُنڈ یہ طریقہ کار چھنہ ہنگہ تہ منگے بارس یوان۔ اکہ
طرفہ چھ تہ ہندی تخلیقی تجربہ امیک تقاضہ کران تہ دویمہ طرفہ چھ امہ قسمک بن ہیتی تجربن پتہ کنہ و ہمہ صدی ہندی کیشہ تنقیدی

مکتب تہ کام کران۔ امہ قسمچہ نظمہ چھے اسہ فرانسیہ کین بہلہ پایہ فنکارن نش تہ میلان۔ نظم چھے بظاہر ہند پوشگ
 Description باسان مگر لفظ ورتاوس وون دتھ چھ باسان زیہ نظم ہیکہ Description آسنس ستر ستر جدید زندگی ہنر
 المنانکی ہند استعارتہ استہ۔

ہند فانوس
 تھنہ پھوکھ لایہ ہم
 سخت اویل چھے
 تیوت اویل ز
 رنگ

(ہند فانوس)

پے چھ ظلماتہ ووزان، نظم چھے بنیادی طور زندگی تہ موتس درمیان کشمکش نقشہ ووتلاوان۔ اکہ طرفہ چھیہ زندگی ہنر
 مالے تہ پیہ طرفہ چھ موتگ خوف لیس گنہ تہ ساعتہ زندگی فنا ہیکہ کرتھ۔ پاز چھ نظمہ منز موتگ تہ کوترتہ نچو چھ زندگی ہندی
 استعار۔ کوترسند تہ پاز سند استعار چھ را ہی ہنر شاعری منز علامتی رنگ رٹان تکیا زسہ چھ یمن استعارن ہند ورتاوبار بار
 کران۔

راتھ اڈ نیندر گڑھتھ ژژھون مینہ خیالن پن ہیو
 پاز اکھ ذہنچہ ونہ ژھایہ اندر پر برنوم
 تونتہ تس اوس وہاں تھے پاٹھی کوتر رتھ
 بالہ تینتاکو چھنیہ تہ دنان فضہس منز



غلام نبی فراق سہنر نظم نگاری

غلام نبی فراق چھ شاعر، نقاد تہ ترجمہ کار۔ تم کچھ پینہ شاعری منز (غزل یا نظم) پینن ناؤک جذباتن، احساسن تہ فلرنا اظہار کران روزان۔ تم چھ پینہ شاعری منز آفاقی نوعیتکو خیال تہ باوان۔ غلام نبی فراق نہ شاعری ہندو موضوع چھ ان گنت، یمن منز حسبہ آگہی، نہ ٹھہرن دنیا، رنگ حیات تہ دلکو واؤ ردا تہ بیتر شامل چھ۔ ترقی پسندی ہنز تحریک ہندس اثرس تابع لیو کہ فراقن کاٹہہ تیتھ غزل یا کاٹہہ تہ نظم نیمیک ذکر ضروری چھ بنان۔ پر رچھ یہ ز فراق چھ ترقی پسند تحریک سو تہ نہ پتہ بحیثیتہ شاعر مشہور سپدان۔ ترقی پسند تحریک نشہ لوب ہتھ چھ فراق پینن ذاتی دوکھن تہ داخلی تجربن زبودنچ کوشش کران تہ تم سہنر شاعری ہند موضوع چھ نعر بازی تہ پرو پگنڈا بدلہ انسانی لول، حسن فطری تہ زندگی ہنز اپایداری بنان۔

آسکر وایلد سہنر نظمہ ہند آزاد ترجمہ محبوب سہنر قبر پٹھ تہ حامدی سہنر ناؤ فراقن یہ خط چھ میہ کتھ ہنز شہادت فراہم کران ز ۱۹۵۵ اندی پکو چھ یہ فراق نس سوچس تہ شاعرانہ طرز اظہارس منز پرنہ پاٹھکی تبدیلی یوان۔ مگر یہ کتھ تہ چھ صحیح ز فراق چھ پینہ امہ مزا تبدیلی ہند ذکر ہناہ مبالغہ سان کران تہ ونان ز سہ چھ گوڈ نیک کا شاعر یس امہ مزا تبدیلی ہند آغاز چھ کران۔ فراق چھ واریاہ نظمہ لکھان یمن منز بلبلس گن، باغس منز نامحرم چھسنہ، تم دو پنم، پھیر، یمبرزل، اولن تہ انہ گٹہ اندر بیتر نظمہ شامل چھ۔ فراق چھ بلبلس گن عنوانس تل ز نظمہ لکھان۔ اکھ گئیہ کیٹس سہنر نظمہ ode to a nightangale ہک سید سیو ترجمہ تہ باکھ چھ امی نظمہ ہندس اثرس تل لکھنہ آہو۔ یوسہ نظم کیٹس ہندس اثرس تل لکھنہ چھ آہو سو چھنیہ پلاٹہ کنز تہ کیٹس سہنر نظمہ ستر ہشتر تھوان۔ کیٹس سہنر نظمہ ہند شعری کردار چھ زندگی نشہ فرار یژھان تکیا ز شاعرس چھ زندگی ظالم تہ جابر باسان۔ بلبل چھ اتھ نظمہ منز مسرتگ تہ خوشی ہند تہ خود کیٹس سہنر زندگی ہند استعار۔

گلَس تل روپھے روپھ چھ یس ہیر تے بون

ژیہ مضراب لویتھ پھلے ہیو مے چھاؤنی

دن ڈور دیت شوقہ چہن گانہ بیرن

بہارس چھ عازت نظر راو راؤنی

’بلبلس گن‘ نظم چھ انسانہ سہنر تخلیک طاقت ہاوان۔ نظمہ ہند بلبل چھ شاعر ہندس تخلیس زپر دتھ تمس وند کالہ کہ کرتکھر نشہ دورنتھ بہار کہن منظرن ہند لطف تلہ ناوان۔ امہ علاو چھ یمن نظممن منز فراقن حس فطرس ستر وابتگی تہ لگاؤ کا پٹھکی نظر گتھان۔ واریہن نظممن منز چھتم فطرتک حس بد کو ڈمت۔ یہ حسن چھ فراقس وولسنس تہ انان تہ مایوس تہ کران۔

تس بیلہ زندگی ہنز نا پایداری پٹھ نظر چھنیہ پوان سہ چھ گلو موران۔

وونڈی ژ آ کیکر روز ماژے نش بہتھ

و انس چھنیہ اکھ صبح چھے اکھ شام چھے

شام سپد تھ کس بہ ونہ بوزم مے کس

(یمرزل)

چھ کا تیاہ خاب ونہ تعبیر رؤستے

تلا کا نہہ چار کرک تو چار سازو

ونہ سوڑے مے وچھنے چھم وچھم کیاہ

(تھر دو پنم)

اکہ طرفہ چھ شاعر زندگی ہنز نا پایداری وچھان بیہ طرفہ چھ پرانین یونانین ہندی پاٹھی محسوس کران ز انسان چھ
قدرت کین اتھن منزا کھ گدن تماشہ۔ انسانس چھنے پانس تام کہنی بلکہ چھتی نکھہ والا ان یہ تس قدرتن قسمتس اندر لیو کھمت
چھ۔ فراقی نظم باغس منزا چھ اٹھی کتھ گن اشار کران۔ فنی نقطہ نگاہ کنز چھنیہ نظم انتہائی کمزور۔ اکہ طرفہ چھنیہ نظم وضاحتی تہ
تفصیلی بیہ طرفہ چھنے ایچ زبان تخلیقی رنگ رٹھ پچھم۔ یہ نظم چھنے کا نہہ آہنگ تہ ووتلا و تھ ہرکان۔ مگر امیک مطلب چھنے
ہرگز یہ ز فراقی پڑ تھ کا نہہ نظم کیاہ چھنیہ کمزور۔ سہ چھ پنن کینون نظمن منزا نو آ گہی تہ تاژ ترہن زانکاری ہند مدتہ ستر ذاتی
دو کھن تہ و اڑ داتن ہنز ا کس حدس تام رٹھاوتھ کران۔ مگر یمن نظمن منزا تہ چھ گنہ گنہ فنی کمزوریہ نظر گرتھان۔

حامدی کاشمیری چھ لکھان ز فراق چھ برابر جدوجہد کران، چنانچہ شعورس منزا لکھنے آہم نظم دبلبلس گن، یا پتی مین
کینون وری مین منزا لکھنے آہم کینہہ نظمہ مثلن و نیب، پچو لڑ، و تھ، سوال تہ شرط چھنیہ فراقیہ فنی شعورچ مزید ترقی ہند باس
دوان۔ یمن نظمن منزا چھ لفظن ہند مولکا حساس ہر یومت تہ عصری مسلن ہنز زان زیاد ووتلیچ۔

وچھاں وچھاں کو رگلا کی رنگو ریہورقص

تھنہ پیہ لوت لوت سرارے

تجن تہ ترشن ہند ہن اڈدہن یمن گے کاوکی

تجن ہنز شوغل ریہہ ا س ونہ رنگ بدلاواں

لر ا س ا دزا ا ہم بوا ا سارے

نہ کا نہہ شہ نہ ہنگامہ نہ کھنگالہ

(بچو لڑ)

’آولن‘ نظم تہ چھیہ عصری آگہی تہ زانی ہندس اثرس تل لکھنہ آہٹ۔ ’بچو لڑ‘ نظمہ مقابلہ چھیہ یہ نظم وار یہس حدس تام کامیاب۔ ووں گوشا عن اگر لفظ ژا رمز احتیاط ورتومت آہے تہ وضاحتس آسہن نہ کام ہیہہ مژتیلہ آہے نظم زیادہ جاندار بنیمٹ۔ تہ گرتھ تہ چھیہ اتھ نظمہ مژ جذبج تہ خیالچ ہم آہنگی در نیٹھی یوان۔ بیتھ ہوو مصر اگر نظمہ مژ کڈتھ نموکھ تیلہ ہیکہ نظم زیادہ پُراثر بیتھ۔

سہ دیہ نہ ووں زانہہ تہ مے آلو

کنوبوز می سٹز کز بکھ

ہیاوق ہا آویور

ژے چھے ناٹن

بتہ ہا گڑھی سرد

اتھ نظمہ مژ چھ کینہہ ماری مندی شپہہ تصویر تہ موجودیم فراقنہ شپہہ کاری تہ فنکارانہ صلاحیت ہند بر پور باس چھ

دوان۔

فراق سٹزن نظممن مژ چھ گنہ ساعتہ مافوق الفطری عنصر تہ ونہ یوان۔ ’انہ گٹہ اندر‘ نظم چھیہ امی قبیلچ نظم۔ امیک

افسانوی انداز بیان چھ پرن وائلس لآ زمن متأثر کران تہ سہ چھ فراق نس اتھ وو ہارس داد دوان۔



پتھ کالہ کہ کاشتر نعتیہ ادبک ذکر کران ہر گاہ نہ عبدالاحد نادم سُنْد ناوہسہو، سو گپہ تس ستر زیادتی تکیا ز نادم چھ پنہ
 دورک سر نعت گوشا عرتہ کاشترس نعتیہ ادبس چھ تو ہند سہٹھاہ دیئت۔ عبدالاحد نادم متعلق ذکر کران چھ رشید نازی و نان
 ’یہ اوس فقط عبدالاحد نادم سُنْد نعتک معجز ز رسول خدایتہ حب رسول خدا دوشوے آے کاشترس تمدنس تتھ پٹھو نکھ ز پائ غمیر
 خدایہ سُنْد وجود چھ تتھ کاشترس تام کاشترس پنن باسان تتھ حدس تام مکہ تہ مدینہ کین لوکن باساب آسہ۔‘

نادمن چھ دویمین نعتن لر لور نعتیہ ونہ ون تہ طیس پٹھ واتہ نومت تہ فلسفیانہ نوکتہ، شاعرانہ اندازس منز دلشین گری

متی۔

مکی قمر تہ مدنی شمساً
 گاہ ہاتم ساء ماہ روخسار
 کلمہ کہ آگر علمہ کہ سُرک یے
 بانن آبا برک تو سے
 محشرس تام ہے پوشہ سوے تری یے
 ڈریے دؤ روڈ پری تو سے

کاشتر نعتیہ ادبک نہج رُوز برابر بڈان تہ نعتس منز سرور کایناتن ہندک باونہ آمتی اُسوہ حسنہ رُودک پرتھ گٹس
 کاشراوان۔ تتھے کئی چھ موجود زمانس منز تہ واریاہ نعت گوشا عراتھ صنفہ گوڈ بران یمن منز میر غلام رسول نازی، میر غلام
 حسن بیگ عارف، فاضل کشمیری، مرحوم تنہا انصاری، رشید نازی، غلام نبی گوہر، مشعل سلطانپوری، محی الدین گوہر تہ غلام
 حسن غمگین ناویلز لایق چھ۔

موجود زمانہ کو اکثر شاعر و چھ حضورن ہندک اُسوہ حسنہ پنہ نین نعتن منز مختلف گوشو و بڑھنا وک متی تہ بیم نعت چھ تہ نہ

ون دیوان زیوت یوت وق گذران گڑھ تیوت تیوت گڑھ صنف نعت گوئی ہند باڈوتہ ہران۔

کایناتک شباب، چون وجود
 کنت کنزاً؟ جواب چون وجود
 چانہ حرمک زوار پرتھ موجود
 پرتھ حقیقتہ تہ خاب، چون وجود

(رشید نازی)

یتھ ماری مزر زاو، سہ انہارِ محمدؐ
 یتھ لول کران کزاو، سہ کردارِ محمدؐ
 یس وریہ بدن غار رٹھ بیٹھ سہ تھوپ سر
 پٹھ بالہ بیٹیک گرز سہ اظہارِ محمدؐ
 (رحمان راہی)

صحرا ورتن زتنہ امبر بکچہ کران آے
 دولے یہ کاینات ووگن شانہ محمدؐ
 پکو بڑوٹھ کارواں تہ گریز بو ساز حیاتک
 وچ یہ رٹھ وگ چھ پکن پانہ محمدؐ
 (سیدرسول پونیر)

ازی کس نعت گو شاعر س چھے یہ کل تہ گنیمہ ز حسن نبی کہ لافانی جمالک تصور چھ مسلمان ہندس
 ذہن منزان یتھ ز نعت کبن سیرن اندر انقلاب و ز، تکیا ز بو سپر و تلیومت یو ہے انقلاب گزھ گنہ چیز
 وراے خارجی دنیا ہس پٹھ پانی پانے حاوی تہ یو ہے انقلاب چھ پوشہ ون انقلاب
 مدینک شام، زلفن زانہ طورس
 مدیخ راتھ، چشمن سورمہ نورس
 مدینک صبح، پرتوشش جہاتس
 مدینک دوہ، جلا دلہ کس حضورس
 سکندر، جم تہ دارا چھم کھورن تل
 ڈیکس پٹھ چھم توہند داغ غولامی
 (میر غلام رسول نازکی)